

綺麗珍寶淫邪妖孽不正之色目為後主收百凶來致禍毒罪叢集一皆目致心目口手致殃禍主動為禍端收罪之府不可不逆不可不伏不可不慎不可恣之不知動入罪網不能自覺目過之罪罪之莫大當宣目戒勸化一切一能戒自心想息滅滅意空空意無著無著入無便得道慧攝意持戒奉行勿廢是吾太上太上第一第五戒也第六戒曰耳不得聽八音五樂淫聲妖孽亂正亡國妖偽之樂無有厭足不知動入罪網不能自覺耳過之罪罪亦復大不自耳犯不得令教於人攝意持戒終身奉行是吾太上太上第一第六戒也第七戒曰鼻不得貪香惡臭妄察善惡不知動入罪網不能自覺鼻過之罪罪亦為次不自鼻犯不得教於人攝意持戒終身奉行是吾太上太上第一第七戒也第八戒曰足不得踏不義不踐非法不涉惡履非妖惑境界不知動入罪網不能自覺足過之罪罪亦為次不自足犯不得教於人攝意持戒終身奉行是吾太上太上第一

八戒也第九戒曰身不得放情任意強與神物攻非其敵精消神散三氣亡逸放情縱恣無有厭足不知動入罪網傾宗滅族不能自覺如斯之罪罪之莫大不自身犯不得教於人攝意持戒終身奉行是吾太上太上第一第九戒也十戒者有五定志云度十戒法法師居南弟子向師三禮禮畢請曰願見成就授以十戒當終身奉行誓不敢有違於是長跪心存見十方大聖在於上方乃擊拳誦受法師燒香便為說戒一者不殺當念眾生二者不淫妄行邪念三者不盜取非義財四者不欺善惡反論五者不醉常思淨行六者宗親和睦無有非親七者見人善事心助歡喜八者見人有憂助為作福九者彼來加我志在不報十者一切未得道我不有望是為十戒受者並云弟子某甲受終身奉修又禮師都畢

要修科儀戒律鈔卷之五 唐五
三洞道士朱法滿編
天尊曰能受是十戒修行如法十方天官無不衛護必致得道子若遍世累不盡十者九八七六乃至於五擇其能者然五戒之福福亦難稱大戒經云修齋求道皆當一心請奉十戒諦受勿忘專精默念洞思自然勿得雜想挽亂形神能如是者便當靜聽第一戒者心不惡妬無生陰賊檢口慎過想念在法第二戒者守仁不殺隨濟群生慈愛廣救潤及一切第三戒者守貞讓義不淫不盜常行善念損己濟物第四戒者不色不欲心無放蕩貞潔守慎行無點汙第五戒者口無惡言不華綺內外忠直不犯口過第六戒者斷酒節行調和氣性神不損傷無犯眾惡第七戒者不嫉人勝已諍競功名每事謙讓退身度人第八戒者不得評論經教毀聖文躬心承法恒如對神第九戒者不得鬪亂口舌詳詳四輩天人欲恨傷損神氣第十戒者舉動施為平等一心人和神穆行常使然十善勸

要修科儀戒律鈔卷之四

助戒者一者勸助禮敬三寶供養法師令人
 世為君子賢孝高才學貴巍巍生為人尊門
 族昌熾二者勸助治寫經書令人世世聰明
 博聞妙蹟恒值聖世見諸經教能誦章句三
 者勸助建齋靜治令人世世芳感香潔光明
 容眸絕偉天姿高秀五者勸助法師法服令
 人世世長雅邁遠中國不隨邊夷男女端正
 寇冕玉佩六者勸助國主父母子民忠孝令
 人世世多嗣男女賢儒不受諸苦七者勸助
 齋靜讀經令人世世不墮地獄即昇天堂禮
 見眾聖速得反形化生王家存意所欲玩服
 備足七祖同歡善緣悉會終始榮樂法輪運
 至總行仙道八者勸助道士眾人經學令人
 世世才智洞達動靜威儀常為人師九者勸
 助一切布施諫諍令人世世壽考富樂常無
 怨惱十者勸助一切人民除疾去欲履行眾
 善令人世世安樂禍亂不生疾者自愈仕官
 高遷為眾所仰莫不吉祐門戶清貴天人愛
 育神魔敬護常生福地請問云太上十戒以
 授仙公一者不得嫉妒勝已抑絕賢明二者

不得飲酒放蕩穢亂三宮三者不得媼邪顯
 倒好貪細滑四者不得棄薄老病窮賤之人
 五者不得誹謗善人毀攻同學六者不得貪
 積珍寶弗肯施散七者不得殺生祠祀六天鬼
 神八者不得議論經典以為虛誕九者不得
 背師恩愛欺詐新學十者平等一心仁孝一
 切能奉此十戒分明立願無不必報又有十
 惡戒不可犯一者飲酒煙色貪欲無已二者
 陰賊世間訛謗道士三者輕師慢法傲忽三
 寶四者竊取經書妄宣道要五者借換不還
 欺誘萬民六者殺生貪味口是心非七者不
 孝背恩違義犯諸禁戒八者誦經忽略嘖嘖
 自是九者責望人意瞋恚四輩十者意斷經
 旨損益聖典不信宿命快情所為穢慢四大
 不念生道是為十惡之戒犯之者或見世為
 鬼神所枉殺陽官所考治居安即危履善遇
 惡百事不偶十二可從者大戒經云作諸善
 功當行十二可從而得度世第一者見真經
 出法開度一切便發道意心願後世得登大
 聖第二者常行慈心願念一切普得見法開

度廣遠無有障翳第三者好樂經教深遠覽
 達意志堅明開化愚闇第四者遵受師訓廣
 閱勸化令入法輪遠離盲道第五者信向玄
 妙專奉經訣晨夕誦習無有怠倦第六者不
 務榮華斷俗因緣專心定志所營在法第七
 者勤誦大經願念一切廣開橋梁為來生作
 緣第八者恒生善心不邪不偽無嫉無害無
 惡無妒第九者所在隨生常值聖世與靈寶
 法教相值不絕第十者潔身持戒修齋建功
 廣救群生咸得度脫第十一者學業廣覽宣
 通同法預以天人普令開度第十二者常與
 明師世世相值受教宣化度人無量一切善
 心皆得道真十四治身之法者請問上云與
 人君言則惠於國人父言則慈於子人師言
 則愛於眾人兄言則悌於行人臣言則忠於
 上人子言則孝於親人友言則信於友人婦
 言則貞於夫人夫言則和於室人弟子言則
 恭於禮野人言則勤於農賢人道士言則止
 於道異國人言則各守其域奴婢言則慎於
 事三十六戒者老君禁戒云行無為行柔弱

行守雖勿先動上最三行行無名行清靜行
諸善中最三行行忠孝行知足行推讓下最
三行右九行第一八十一章集合為道舍專
卑同科上備者神仙六行者倍壽三行者增
年不橫夭戒勿怒喜邪與怒同戒勿費用精
氣戒勿食含血之物樂其美戒勿貪寶貨戒
勿傷玉氣戒勿違道戒勿為物動戒勿枝形
名道戒勿殺戒勿名功上最九戒戒勿為耳
目鼻口所誤戒勿貪高榮強求戒當謙下
戒勿學邪文戒勿學百事當詳心勿調譁戒
勿求名譽戒勿輕躁戒勿盈溢戒勿恣身好
衣美食中最九戒戒勿為諸惡戒勿多忌諱
戒勿猜祠鬼神戒勿惡貧賤強求富貴戒勿
強梁戒勿自是戒勿與人爭曲直得爭先避
之戒勿稱聖名大戒勿樂兵下最九戒右二
十七戒第二共合為道淵尊卑同行上備者
神仙持十八戒倍壽持九戒增年不橫夭合
為三十六戒又有十二禁禁淫戲不節淫戲
不節使神氣不專傷於魂魄魄傷則喜虛
狂發禁大笑大呼大笑大呼使神氣飛揚傷

於腸氣腸氣傷則喜驚悸振攝禁悲怒悲怒
悲怒悲怒使魂魄不行傷於五臟五臟傷則
志意悖亂妄語禁大醉大飽大醉大飽使神
氣不藏傷於六腑六腑傷則癱疽妄起禁久
憂久思久憂久思使神氣失常傷於陰陰
氣傷則喜自恐惶禁久言久語久言久語使
神氣越泄傷於陽氣陽氣傷則惚恍喜忘禁
久立久立使神氣竭絕傷於骨髓骨髓傷則
瘦侷流關節禁久坐久坐使神氣結閉傷於
筋脉筋脉傷則腰臂肌骨不仁禁久渴久渴
使神氣根葉傷於心心傷則喜喘博曾滿逆
氣禁久視久視使神氣擾亂銷散傷於精精
傷則溢精洩或不樂禁久卧久卧使神氣併
積傷於肌膚肌膚傷則喜嘔心戰慄禁久聽
久聽使神氣寒不理傷於志志傷則喜忘不
存喜悲泣老君曰能行此十二禁乃可存精
氣集神靈駕六龍馳窈窕觀九都后土度乘
浮雲入太清宿虛無提六丁入仙府得長生
四十五念者法輪經云若學神仙思念無量
善得長生身與我神入定妙通若奉師宗思

念無量善得調身與我神同受制度若奉
經教思念無量善得聰慧身與我神同得昇
仙若見講說思念無量善得瞻聽身與我神
了解玄義若見齋戒思念無量善入法門身
與我神內外清肅若見行香思念無量善入
芳感身與我神不履穢塵若見三光思念無
量善消身與我神長夜光明若見雨注
思念無量善得灑潤身與我神得天陰流若
見行雲思念無量善得履履身與我神同入
雲輪若見素雲思念無量善居潔白身與我
神凝氣成真若見霜露思念無量保貞不落
身與我神無不剝伏若見淨水思念無量善
得沐浴身與我神洗垢除穢若見大紅思念
無量善注淵澤身與我神無不包容若見太
山思念無量善得障遏身與我神棲託巖穴
若見樹木思念無量善無凋悴身與我神鬱
成茂林若見種種思念無量善得滋長身與
我神學自成生若見果林思念無量善得成
就身與我神結實生報若見飛鳥思念無量
善得空行身與我神時生羽翮若見禽獸思

念無量不生宮心身與我神隱學幽林若見
 宮闕思念無量普得瞻仰身與我神轉輪諸
 天若見城社思念無量普得入朝身與我神
 修整嚴飾若見臺館思念無量普瞻八極身
 與我神洞見幽微若見靈壇思念無量普履
 法門身與我神得道無為若見童子思念無
 量普得出家身與我神同得道真若見道士
 思念無量普妻榮累身與我神早得飛仙若
 見賢人思念無量普推首義身與我神教化
 齊同若見聖人思念無量普得其道身與我
 神通真達靈若見盛年思念無量普不衰老
 身與我神長保劫年若見美女思念無量轉
 身為男身與我神守貞入真若見伎樂思念
 無量普無哀憂身與我神靜默管商若見王
 子思念無量普得從容身與我神轉輪王家
 若見富貴思念無量普得豐足身與我神會
 散功德若見貧人思念無量普離窮厄身與
 我神轉人歡泰若見廚食思念無量普得飽
 足身與我神口無爽味若見平地思念無量
 普得安寂身與我神種植並生若見屋舍思

念無量普得騰履身與我神宮宅整飾若身
 暮卧思念無量普得安寧身與我神同靜虛
 空若朝起居思念無量普得曉明身與我神
 同光太陽若服衣裳思念無量普得嚴飾身
 與我神同生羽服若戴巾帽思念無量普得
 冠冕身與我神同戴華蓋若著履履思念無
 量普得乘風身與我神足躡紫雲若見乘船
 思念無量普得濟度身與我神不拘橋梁若
 見乘車思念無量普不步行身與我神同策
 飛駟若見乘馬思念無量普得飛步身與我
 神乘雲駕龍若見太清思念無量普蒙虛泊
 身與我神飛昇金闕四十五念功齊天地數
 法自然五十二願者消魔經云若見居家妻
 子當願一切早出愛獄攝意奉戒若見飲酒
 當願一切制於命門以遠禍亂若見絲女當
 願一切守情忍色志慕在賢若見姪人當願
 一切除乖邪念翹心禁戒若見婦人當願一
 切忍割浮華樂道自娛若見真人當願一切
 履信正化自入法門若見眾人當願一切推
 仁無爭懷道安世若見善人當願一切時刻

存念仰執其道若見惡人當願一切棄凶即
 言不犯王法若見貧人當願一切損己施惠
 後受大福若見富人當願一切救濟萬物世
 世受祿若見貴人當願一切承其教旨悉合
 典訓若見賤人當願一切勤修匪懈各得所
 為若見帝王當願一切奉仰王道孝如父母
 若見宰相當願一切受其教制四方歸仁若
 見兵甲當願一切各念仁心天下讓賢若見
 王子當願一切日歌太平係國承家若見賢
 人當願一切履行其道德為世宗師若見信
 心小學當願一切明解法度得道成仙若見
 樓山道士當願一切悉見道門速得昇進若
 見教化當願一切親受聖教皆為淵博若見
 聖人當願一切尊禮侍見諸國並瞻若見仙
 人當願一切真道悉成飛昇天堂若見城郭
 當願一切嚴整修飾以道為基若見大國當
 願一切歸崇慕德若水注海若見小國當願
 一切知止虛沖安其所居若見市朝當願一
 切群賢雲萃悉弘正道若見靖舍當願一切
 功德巍巍天人得志若見齋戒行香當願一

切道德日新厚序邪正若見誦經當願一切
盡上高座咸聞聖旨若見經教當願一切各
各受讀禮習普見若見樓觀當願一切洞視
十方無所隱藏若見高山當願一切立德如
彼無復退轉若見大海當願一切智慧無量
輔成家國若若慈茂林當願一切學成師宗養
徒教教若見淨手當願一切常執經卷無時
暫輟若見善口當願一切耽誦洞經日新不
厭若見動足當願一切起步三界飛行上清
若見靖止當願一切滅景停真安閑空寂若
見飲食當願一切棄累入淨存得道味若見
犬藏當願一切除其災害施為福田若見疾
病當願一切以道自安免此苦厄若見死喪
當願一切學道常存濟度三塗若見漁獵當
願一切不為罪始終入無為若見喪秋當願
一切賓主中國不生邊地若見少年當願一
切及時學問速成威名若見老病當願一切
以道攝生不更衰老若見三光當願一切普
明靈雅聞冥即消若見雲雨當願一切惠澤
盈溢無所不宜若見素雪當願一切常居潔

白道遠自在若見靈風當願一切蘊懷披散
德流遐邇若見淨水當願一切洗垢清虛平
等其心若見名香當願一切受茲芳感眾穢
蕭然若見好華當願一切樂散諸聖相好具
足若見車馬當願一切得道無為乘鳳駕龍
若見絃歌當願一切玩經散說以道娛樂若
見福食當願一切無不飽滿世享天廚德流
主人如水歸海宗廟遐長常居貴盛世與四
輩俱生王家若見致施當願一切禍滅九陰
福起十方德如山海莫不興隆七世生天子
孫賢忠富貴巍巍所欲皆從學道飛仙駕雲
乘龍道士坐卧當願我等四大合德同體道
真長在玄都師友自然濟度十方天下受恩
道遠有無洞觀妙門一百二十九戒者昇玄
經云遠身行離口過除惡念拔速根絕聲色
捨愛欲放若習洗垢穢寬斗局開迤進廣心
性緩促縮勿的莫省諸勞却諸累無疑想逆
動作伏汲厭諸端斷諸障滅諸跡寬諸見
聞諸智過諸蔽原諸癘上諸漏掃諸患愈諸
疹去諸計罷諸求伐諸株斬諸種刈貪冒盡

沈吟散結東脫煩惱制意移無諸可無不可
為無為無諸我無不我無彼我無空想無昏
惑無淫想動可行不疑空平好醜不邪還常
住無絕心想習勝意善防害不亂轉不吾念
不彼念不悠想無常准無常的無道顧不追
懷無猶豫忍不忍無是道絕無想常住無無
無為行無行作無作想無想與無與無際上
無際行無際作無際想無際住察諸性了無
根如無相不可滿以不可滿而自整當無想
以過止觀一切皆虛空心無欲而常仁不以
有諍無已知一能除一不於一而起相如因
一人無際知因無際入無為知因無為入虛
無知因虛無為滅盡知因滅盡成爲道知因
成道爲最大知安爲安知安爲樂知樂不復
憂知無憂爲泰損附者蕩意態休是非不嫌
貳葉東廣諸若蓋刻諸連刻因緣慎心轉事
無事無親疎等善惡寂無想不我想無常住
一於無止無止住無住無際與緣觀法爲同
無知有本無知因無際入滅度知因最大爲
了無知奉無爲極此一百二十下明九戒處

衆愛之中心在道戒之藏處憂患之舍心在善教之堂住閻冥之室志在斷滅之戶倚不固之屋心在方便之護坐蛇虺之地心在捨遠之逕居虎豹之藪心在福德心在觀滅之庵立在荆棘之圍心在鎧捍之障是我持戒者也行智慧方便拔死生之難絕一切想滅一切念歸無所滅至真之道也老君百八十戒者本為盟威等說老君曰人生雖壽萬年不持戒律與老樹久石何異掌一日持戒為道而死不犯惡而生持戒而死上補天官尸解昇仙世人雖為王公之位死有重罪無益魂神魂神受罪正一道士明而奉行持戒之時弟子沐浴勿食五味五辛改衣服弟子當執禮師教伏地聽受禁戒禁戒受已當寫一通誦誦奉行之師曰諸賢各明聽下萬物無有長在人生有死物成則敗日出則沒月滿則虧從古至今誰能長存者唯有道德可久耳今日亦善今月亦善今時亦善諸賢亦善師宗亦善弟子亦善萬神備具吏兵皆到今以老君故以教諸賢者故今以萬民惜命

故以弟子善心故授禁戒重律諾當三讀之然後說戒戒曰弟子不得多畜積不得盜取人物不得妄取人一錢以上物不得畜猪羊不得食五辛不得作草書與人不得以藥毒害人不得妄摘花果不得與兵人為親不得金銀器食不得輕慢弟子不得妄語言不得獨食不得知人婚姻事不得持人長短不得言人陰私不得勸人令死自盡不得因恨殺人不得自用不得自驕不得惡口罵詈不得厭治病不得裸形浴不得竭水澤不得慢老人不得調戲不得阿黨所親不得門戶別居不得妄罵人作奴婢不得印奴婢面不得快人死不得張目視人不得面譽背處論人之惡不得以毒藥投淵水江海中不得親踈他人之尊不得強乞擾亂百姓不得為世人作禮頭主不得干知星宿占相天時不得教人淫泆別離夫婦當視弟子如其子不得吐苦向人不得奪人冥由火不得毀人成功言是已得不得訛警人器物以為不好不得擇飲食以為好惡不得為人在來惡言不得預

論人間儀典不直之事不得冬天發掘地勢藏自守非急不得妄行不得妄上樹不得以汗穢物著井中不得貪戀居家不得誹謗良人為奴婢當常慈念萬民無知如蟲當勤求生晝夜勿倦不得破壞錢物當勤避惡人當勤服食無為斷穀斷穀為不死道不得以書字之物投於廁前不得多舌不得探巢破卵不得與兵人為侶不得為人作忌諱不得祠祀鬼神以為僥倖不得妄入湖海中浴不得淫泆家相往來不得錄毒藥著器中不得無故走馬馳車不得妄拋打六畜衆生不得手團食每得萬民當願令主人坐得福人呼汝為師尊願畏於人勿自輕躁世人並惡善人至少汝勿悒悒道自護汝人為惡向汝但以善相向善之據惡如水澆火不得向弟子論人食好惡無事不得妄受人禮費不得妄開泆波湖女弟子不得為男弟子畜衣衣不過三通不得自往治病病家當自來求汝不可食衆生肉唯菜食為常行道無家居可宿誦百八十戒神衛三重慎所投止先行視之

入人家當先問主人尊老名諱不得多廣求
寶物不得飲酒不得反叛去本逐末不得姦
犯人婦女不得殺生蠅動之物不得燒敗一
錢以上物不得以食物擲火中不得以足踏
六畜不得多以書相聞不得以火燒田野山
林不得知軍國中事占吉凶不得妄伐樹不
得數見王公官長不得貪財物不得飲食過
度不得販賣奴婢不得自習伎樂不得言人
惡事不得別離人家不得投書讒人不得自
貴不得妄鑿地毀山川不得掩人目不得希
望人物不得評論師不得慢經教不得觀六
畜交陰陽不得以勢陵人不得帶刀軍中不
從此律不得輕瞋恚不得立小便不得亂頭
行遊不得祝人令死不得以穢污之物誚人
不得說人父母本末善惡不得言人陰私事
不得獨與宗族為親不得與世俗人賦斂不
得為人圖塚宅及起屋不得教人漁獵傷害
衆生不得視弟子有偏人有物與甲乙不得
恨人不與己不得與世俗人共相群黨不得
馳騁世俗吊問死喪不得擇好舍好牀卧息

不得管人物惡自言已物好不得驚惶令人
恐懼不得縣官中傷人不得強取人物以為
恩施不得輕行遊望日月馳騁不得籠鳥獸
不得穿人家壁看人婦女不得塞井池不得
妄發人書讀之當念恩令我長生而勿妄當
令人入名山學不得積聚財寶以招凶禍不
得藏埋器物不得枉於人當勤避嫌疑當更
相順如父母兄弟姊妹不得平地煞火不得
布槍棘著道中不得向鬼神妄行作禮不得
多畜世俗占事八神圖書不得溺生草上及
人所食水不得寡婦相親不得妄假舉人物
以為禮賂不得為人保任券支不得為人作
辭訟知人事不得高聲厲言每當舍顏而笑
不得取人密謀之書讀之不得驚駭鳥獸受
人食飲每燒香常為百姓請願今天下太平
若有人罵汝汝但勿答人設謗汝汝但自內
修大道勿憂恐怖天下有災變水旱不調勿
得患厭之汝至百姓家不得希人飲食不得
與女人冥室中共語言無事不得聚會飲食
見人殺鳥獸當生大慈心願濟度不得輕慢

賢聖吾當度汝汝遇真人賢聖尸解每當從
道勿習俗禮一事當念清儉法慕清賢度食
付飲不得積聚物當易事易供養勿多難入
他國必先問所禁忌不得獨行行與人俱勤
誦百八十戒不得作劫賊老君語于吉日往
古諸仙賢聖皆從百八十戒得道百病戒者
老君虛無經云是以聖人求福於未兆絕禍
於未有蓋災生於稍稍病起於微微人以小
善為無益故不肯為以小惡為無損故不肯
改小善不積大德不成小惡不止以成大罪
故擿出一百病使知其所坐也百病者喜怒
無常是一病忘義取利是一病好色壞德是
一病專心係愛是一病憎欲令死是一病縱
貪蔽過是一病毀人自譽是一病擅變自可
是一病輕口喜言是一病快意逐非是一病
以智輕人是一病乘權縱橫是一病非人自
是是一病傷易孤弱是一病以力勝人是一
病威勢迫協是一病語欲勝人是一病貸不
念償是一病曲人自直是一病以直傷人是一
病惡人自喜是一病怒喜自伐是一病愚

人自賢是一病以功自與是一病泯人有功
 是一病以勞自怨是一病以虛為實是一病
 喜說人過是一病以富驕人是一病以貴輕
 人是一病以貧妬富是一病以賤訕貴是一
 病讒人求媚是一病以德自顯是一病敗人
 成功是一病以私亂公是一病好自噫噫是
 一病危人自安是一病陰懷嫉害是一病激
 勵旁悖是一病多憎少愛是一病評論非義
 是一病推負著人是一病又拒鉤鉤是一病
 持人短長是一病假自祝誓是一病施人望
 報是一病無施責人是一病與人追悔是一
 病好自怨爭是一病罵詈蟲畜是一病盡道
 厭人是一病毀譽高才是一病憎人勝己是
 一病毒藥醜餌是一病心不平等是一病以
 賢噴高是一病追念舊惡是一病不受諫喻
 是一病內疎外親是一病投書敗人是一病
 談愚癡人是一病煩苛輕躁是一病撻捶無
 理是一病好自作正是一病多疑少信是一
 病笑顯狂人是一病躊躇無禮是一病醜言
 惡語是一病輕易老小是一病惡能醜對是

一病了及自用是一病喜嗜好嗜美是一病喜
 禁錮人是一病鬼魅詭詐是一病嗜得懷詐
 是一病兩舌無信是一病乘酒縱橫是一病
 罵詈風雨是一病惡言好殺是一病教人毒
 害是一病干預人事是一病孔穴窺視是一
 病借不念還是一病負債逃竊是一病背向
 異辭是一病喜抵捍戾是一病調戲必固是
 一病故迷誤人是一病探巢破卵是一病刻
 胎剖形是一病水火敗傷是一病天盲聾瘖
 瘕是一病教人嫁娶是一病教人撻捶是一
 病教人作惡是一病舍禍離愛是一病唱禍
 導非是一病見便欲得是一病強奪人物是
 一病老君曰能念除此百病則無災累即為
 百藥矣下出百藥者體弱性柔是一藥行寬
 心和是一藥動靜有禮是一藥起居有度是
 一藥近德遠色是一藥除去欲心是一藥推
 分引義是一藥不取非分是一藥心離憎愛
 是一藥好相中用是一藥為人願福是一藥
 救禍濟難是一藥教化愚蔽是一藥諫正邪
 亂是一藥誠勸童蒙是一藥開導迷誤是一

藥扶接老弱是一藥以力助人是一藥與窮
 正分是一藥矜貧傷危是一藥位高下士是
 一藥言語謙遜是一藥恭敬卑微是一藥不
 負宿債是一藥慰慰篤信是一藥質直端嚴
 是一藥推直引曲是一藥不爭是非是一藥
 逢使不鄙是一藥受辱不怨是一藥推善引
 惡是一藥推好取醜是一藥推多取少是一
 藥稱歎賢良是一藥見賢自省是一藥不自
 彰顯是一藥推功引苦是一藥不自伐善是
 一藥不泯人功是一藥勞苦不恨是一藥懷
 實行實是一藥覆蔽陰惡是一藥富有假乞
 是一藥崇進勝己是一藥安貧不怨是一藥
 不自尊大是一藥好成人功是一藥不好陰
 私是一藥得失自觀是一藥陰德樹恩是一
 藥生不罵詈是一藥不評論人是非是一藥
 好言善語是一藥災病自咎是一藥生不價
 攜是一藥施不望報是一藥不罵畜生是一
 藥為人祝願是一藥心平意等是一藥心靜
 意定是一藥不念舊惡是一藥匡邪弼曲是
 一藥聽諫受化是一藥不干豫人是一藥忿

怒自制是一藥解散思慮是一藥尊奉老者
 是一藥閨門恭肅是一藥內修孝悌是一藥
 蔽惡揚善是一藥清廉守分是一藥好飲食
 人是一藥助人報忠是一藥救日月蝕是一
 藥速嫌避疑是一藥恬懷寬舒是一藥尊奉
 聖文是一藥思神念道是一藥宣揚聖化是
 一藥立功不倦是一藥尊天敬地是一藥拜
 謁三光是一藥恬憚清淨是一藥仁慎謙讓
 是一藥好生惡殺是一藥不多聚財是一藥
 不犯禁忌是一藥廉潔貞信是一藥不燒山
 伐木是一藥空車助載是一藥直諫忠信是
 一藥喜人有德是一藥救與窮乏是一藥代
 老負擔是一藥除情去愛是一藥慈心憐隱
 是一藥好稱人善是一藥因富布施是一藥
 因貴為惠是一藥右百藥勸人遵之是以聖
 人雖處幽閑不敢為非雖居榮祿不敢為利
 度形而衣量腹而食矣觀身三百大戒云元
 始天王授之太上道君道君傳太微天帝帝
 君受戒時頌三首云
 智慧起本無朗朗起十方結空峙玄宵諸天

把流芳其妙難思議虛感其實通有有竟不
 有無無無不容
 智慧恒觀身學道之所先眇眇任玄肆自然
 錄我神天事常擁護魔王為保言見見金光
 軀超超太上仙

智慧生戒根真道戒為主三寶由是興高聖
 所崇受況此不死舟條效濟大有當此說戒
 時天真益稽首

要修科儀戒律鈔卷之五

要修科儀戒律鈔卷之六

三洞道士朱法滿編

唐六

下說三百大戒約三元下元一百八十中元
 三十六上元八十四不得殺生蠕動之蟲不
 得飲酒不得姪犯百姓婦女不得盜竊人物
 不得嫉賢妬能不得背師恩愛不得不忠其
 上不得罔其下不得欺枉同學未解之人不
 得輕慢弟子不得口善心懷陰惡不得說人
 過惡不得重責七寶不散施四輩不得樂人
 錢財視物為己重擔不得畜刀杖兵器不得
 養六畜不得金銀器食飲不得死厚葬體骨
 不得貪樂榮祿不得燒敗世上土中之物不
 得以世間堪食之物投水火中不得貪世滋
 味不得食五辛不得為草書不得以蠱物易
 人好物不得知預軍國事物不得設權變謀
 不得無故見王侯不得干知天時指論星宿
 不得以火燒田野山林不得無故摘棄草之
 花不得親近惡人不得無故伐樹林不得人
 中多語言參洩俗不得人中獨食不得與世
 間婚姻事不得習世間伎樂不得泄人陰惡